

120. fundur í skólanefnd ME haldinn þriðjudaginn 23. sept. 2014 kl. 17 í fundarherbergi skólans.

Mættir skólanefndarmenn: Anna Björk Guðjónsdóttir, Ragnhildur Rós Indriðadóttir, Skúli Björn Gunnarsson og Steinunn Ásmundsdóttir sem varamaður fyrir Esther Gunnarsdóttur. Ekki tókst að fá varamann fyrir Gauta Jóhannesson.

Áheyrnarfulltrúar mættir: Jóney Jónsdóttir, Jón Kristinn Arngrímsson og Guðrún Hlíðkvist. Jafnframt sátu fundinn: Helgi Ómar Bragason skólameistari, Elín Rán Björnsdóttir mannauðsstjóri og Árni Ólason áfangastjóri sem ritaði fundargerð.

Formaður setti fund kl 17:06. Gengið til dagskrár.

- Dagskrá:**
1. Fundargerð síðasta fundar
 2. Stöðuskýrsla skólameistara
 3. Aðgerðaáætlun í starfsmannamálum
 4. Starfsáætlun ME skólaárið 2014-2015
 5. Önnur mál

1. Fundargerð síðasta fundar

Fundargerð 119. fundar hafði verið samþykkt í tölvupósti en var staðfest með undirritun af þeim sem sátu þann fund.

2. Stöðuskýrsla skólameistara.

- Innritunartölur við upphaf skólaárs kynntar.
Skólameistari sýndi töflu yfir nemendafjöldatölur í ME frá árinu 2008 til 2014. Alls voru 310 nemendur í dagskóla við skólabyrjun í haust. Þeir hafa ekki verið fleiri síðan 2008. Nýnematölur eru í takt við væntingar samkvæmt fjölda í árgöngum.
- Ráðningar starfsmanna:
Alls voru 11 nýir starfsmenn ráðnir að stofnuninni í haust í hin ýmsu störf. Alls eru 52 starfsmenn við ME og í mötuneyti, þar af einn í leyfi.
- Fjárhagsstaða ME í ágústlok:
Skm kynnti fjárhagsstöðuna 31. ágúst sl., sem var um 8,2 milljónir í plús. Mjög erfitt er að henda reiður á stöðunni á hverjum tíma en horfur eru jákvæðar.
- Afdrif brautalýsinga sem sendar voru menntamálaráðuneyti í júní síðastliðnum:
Brautalýsingar voru sendar til samþykkis í ráðuneytið í júnílok. Ráðuneytið gerði smávægilegar athugasemdir við félagsgreina-, mála- og náttúrufræðibrautir en þess er að vænta að brautirnar verði samþykktar fljótlega. Athugasemdir ráðuneytis við listabraut þarfnast hins vegar frekari yfirlegu.
- Hlutur ME í fjárlagafrumvarpi 2015:
Fjárlagafrumvarp 2015 gerir ráð fyrir 53 ársnemenda fækkun í ME á næsta ári. Svo virðist sem flestum framhaldsskólum á landsbyggðinni sé gert að fækka ársnemendum sem hlýtur að leiða til samdráttar í starfsemi. Þessu verður auðvitað að mótmæla og skólameistarar framhaldsskóla í dreifbýli (D7⁺) hafa í hyggju að standa saman að erindi til ráðherra menntamála þessu til andmælis. Skólanefnd telur einnig mikilvæg að ná til þingmanna kjördæmisins og útskýra þessa válegu stöðu. Skólanefnd lýsir yfir áhyggjum sínum varðandi óvissa framtíð skólans miðað við þetta og felur skólameistara og formanni skólanefndar að ná fundi þingmanna og taka saman upplýsingar sem gefa raunhæfari sýn á framtíðarhorfur.

Rætt um að bjóða ráðherra í afmælisveislu ME í haust en hann hafði ekki séð ástæðu til að heimsækja skólann þegar hann hélt kynningarfundum um hvítbókina um miðjan september á Austurlandi.

3. Aðgerðaáætlun í starfsmannamálum.

- Endurskoðun áætlunarinnar og næstu verkefni:

Elín Rán, mannauðsstjóri, kynnti næstu skref í starfsmannamálum og uppfærða aðgerðaáætlun.

Dagskrá aðgerðaáætlunar riðlaðist nokkuð á vorönn vegna verkfalls kennara.

Starfsþróunarviðtöl hefjast í byrjun nóvember og standa fram yfir áramótin. Enn er vinna eftir í endurskoðun á starfslýsingum sem gott er að klára fyrir umrædd viðtöl. Eftir er að klára stefnumótun í starfsmanna- og endurmenntunarmálum.

Námskeiðamál eru í skoðun. Búbót lifir góðu lífi og margt skemmtilegt verið gert á árinu á þeirra vegum. Skólakynningarmálin eru mikið til óunnin og þar verður gert átak á komandi vorönn. Allir starfsmenn eru komnir með netföng og gert verður átak í að auka upplýsingaflæði almennt innan skólans. Heilsuræktarkynning er í gangi meðal starfsmanna ME. Unnið er að uppfærslu á vef innra mats hóps skólans. Smíðagalli er á heimasíðu ME sem þarf að laga.

Skólanefndarmenn lýstu ánægju með ráðningu Elínar og óskuðu henni alls góðs í störfum sínum.

4. Starfsáætlun ME skólaárið 2014-2015 – drög

Skm lýsti helstu verkefnum skólaársins. Meðal þeirra eru:

- Uppsetning starfsbrautar ME með brautalýsingum fyrir vorið
- Framhaldsskólabraut er í tilraunakennslu
- Endurskoðun listabrautar er í gangi eftir leiðbeiningu ráðuneytis
- Umönnunarbraut verður vonandi tilraunakennd á vorönn 2015
- Nemendapjónusta ME verður endurskoðuð með nýjum starfsmönnum.
- Endurskoðun á launaröðun annara starfsmanna en kennara
- Framkvæmd vinnutímaskilgreiningar kennarastarfsins í tengslum við kjarasamninga.
- Heilsueflandi framhaldskóli heldur áfram og nú er verkefnið tengt lífstíl.
- Áframhald á brotthvarfsverkefni á vegum ráðuneytis
- Efling skólafélags- og námsráðgjafar í tengslum við uppstokkun á nemendapjónustu skólans.
- Efling umsjónarkerfis er í gangi.
- Efla áfram erlend samskipti bæði í tengslum við samstarfsskóla ME í Trier og eins er nýtt Erasmus verkefni fjögurra landa að hefjast, þar sem vatn og tengsl þess við nærumhverfið er í forgrunni.
- Nýnemamóttaka tókst vel þrátt fyrir lítinn undirbúning og fór fram í góðu veðri. Þetta verður betra næst með betri undirbúningi.
- ME á 35 ára afmæli 14. október 2014. Skipað hefur verið í nefnd (Jón Ingi, Inga Hanna og Hlynur Ármanns) og reynt verður að vekja athygli á þessu afmæli í fjölmiðlum.

5. Önnur mál.

a) Launalaust leyfi

Sigrún Harðardóttir hefur sótt um launalaust leyfi á vorönn vegna starfa í HÍ. Skólanefnd leggst ekki gegn veitingu umbeðins leyfis. Stefnt er að því að ráða skólafélagsráðgjafa til afleysinga fram á vor.

b) Fundaplan skólanefndar yfir næsta skólaár

Formaður gerði tillögu um að fundir yrði eftirfarandi daga:

23. september kl 17:00

18. nóvember kl 17:00

10. febrúar kl 17:00

14. apríl kl 17:00

16. júní kl 17:00

Skoðað verður með að hafa einn fundanna fyrr að deginum til að nefndarmenn geti kynnt sér skólastarfið líkt og gert var síðasta vetur. Formaður minnti á að samkvæmt verklagsreglum skólanefndar ættu fundargerðir nefndarinnar að vera aðgengilegar á heimasíðu skólans 5 dögum eftir fund. Samþykkt að gera gagnskör að því að koma því í lag.

Fleira ekki rætt og fundi slitið kl 18.55.

Fundargerð ritaði Árni Óla